



Akcija se izvodi na 56 lokacija širom BiH
FOTO ARHIVA

SIPA sumirala dosadašnje rezultate akcije "Zlatni karat"

Zaplijenili nakit vrijedan 3,5 miliona maraka

Sumnjiče ih, između ostalog, i za organizovanje grupe ljudi za krijumčarenje ili rasturanje neocarinjene robe



ŠTA JE ODUZETO

60.000 maraka

40.000 evra

50 kg nakita koji asocira na zlato

Dragan SLADOJEVIĆ
dragans@nezavisne.com

SARAJEVO - Oko 63 kilograma zlatnog i sre-

brnog nakita, čija je po preliminarnoj procjeni ukupna vrijednost oko 3,5 miliona maraka, predstavlja samo dio plijena oduzetog u akciji "Zlatni karat", u režiji **Državne agencije za istrage i zaštitu (SIPA)**.

Preciznije, otkrili su oko 50 kg nakita koji asocira na zlato i oko 13 kg nakita koji asocira na srebro. Privremeno je oduzeto oko 2.000 komada raznog nakita, vjeruje se zlatnog, zatim oko

PRETRESI FIRMI NASTAVLJENI I U PETAK

60.000 KM i oko 40.000 evra, te 17 mobilnih telefona, šest pištolja, više pečata i dokumentacije.

Akcija "Zlatni karat" počela je u srijedu, kada su pripadnici **SIPA** uhapsili 30 lica osumnjičenih za seriju krivičnih djela.

Odnosi se to na organizovani kriminal u vezi sa krivičnim djelima krijumčarenje, organizovanje grupe ljudi ili udruženja za krijumčarenje ili rasturanje neocarinjene robe, zatim pranje novca, nedozvoljeno skladištenje robe, poresku utaju ili prevaru, te krivotvorenje znakova za obilježavanje robe, mjera i tegova.

"Osumnjičene terete da su u saradnji sa drugim licima, s ciljem pribavljanja protivpravne imovinske koristi, krijumčarili i nedozvoljeno rasturali neocarinjenu robu, tačnije predmete od zlata i srebra", pojasnili su iz **SIPA**.

Akcija, koja do zaključenja ovog broja "Nezavisnih" nije okončana, izvodi se na 56 lokacija širom BiH, odnosno na području Sarajeva, Tuzle, Gračanice, Živinica, Tešnja, Maglaja, Cazina, Bihaća, Konjica i Kladnja.

Pretresi firmi nastavljani su i u petak, a **SIPA** očekuje otkrivanje i privremeno oduzimanje dodatnih količina krijumčarenog nakita, nakita bez porijekla i nepropisno obilježenog nakita.

U akciji su, kako je potvrđeno iz **SIPA**, pomogali i Uprava za indirektno oporezivanje BiH, kao i entitetska i kantonalna ministarstva unutrašnjih poslova te Obavještajno-bezbjednosna agencija (OBA) BiH.